

心自非曾是醉翁客莫向俗耳求知音諸本末兩句作高情所得貴自適俗耳何用求知音可笑人生不飲酒惟知白首戀黃金

答聖俞二本題下有高車見過

人皆喜詩翁有酒誰肯一醉之嗟我獨無酒數往從一作就翁何所為翁居南方我北走世路離合安可期汴渠千艘日上下來及水門猶未知五年不見勞苦多寐三日始往何其遲城東賸河有名字萬家弃水為汙池人居其上苟賢者我視此水猶漣漪入門下馬解衣帶共坐習習清風吹溼薪芟焚煮薄茗四顧壁立空無遺萬錢方丈飽則止一瓢飲水樂可一作何涯况出新詩數十首珠璣大小光陸離他人欲一不可有一一作得君家

筐篋滿莫持才大一作多名高乃富貴豈比金紫包愚痴貴賤同為一丘土聖賢獨一作長如星日垂道德內樂不假物猶一作所須朋友并良時蟬聲漸已變秋意得酒安問醇與醅玉堂官閑無事業親舊幸可從其私與翁老矣會有幾當弃百事勤追隨

感興五首齋於醴泉宮作

奉祠巖秘館攝事罄精誠歲晏悲木落天寒聞鶴鳴念昔丘壑趣豈知朝市情弱齡嬰仕宦壯節慕功名多病慙厚祿早衰歎餘生未知犬馬報安得遂歸耕懷祿不知慙人雖不吾責貧交重意氣握手猶感激煌煌煌腰間金兩鬢颯已白有生天地間壽考非金石古人報一飯君子不苟得憂來自悲歌涕淚下沾臆

清夜雖云長白日亦易晚循環百刻中勢若九走坂盈
虧自相補得失何足算餐霞可延年飲酒誠自損未知
辛苦長孰若適意短二者一何偷百年皆不免頽回不
著述後世存愈遠聖賢非虛名惟善為可勉

仕宦希寸祿庶無飢寒迫讀書事一作為文章本以代
耕織學成頗自喜祿厚愈多責挾山以超海事有非其
力君子貴量能無輕食人食

唧唧復唧唧夜歎既未息蟲聲急愈矣病耳聞若刺壯
士易為老良時難再得日月相隨東天行自西北三者
不相謀萬古無窮極安知人間世歲月忽已易

吳學士石屏歌一作和張生鷓鴣屏一無和字

晨光入林衆鳥驚臚臚群飛鴉亂鳴穿林四散投空去

黃口巢中飢待哺雌者下啄雄高盤雄雌相呼飛復還

空林無人鳥聲樂古木參天枝屈盤下有怪石橫樹一

作其間烟埋草沒苔蘚斑借問此景誰圖寫乃是吳家

石屏者號工剗山取山骨朝銑暮斲非一日萬象皆從

石中出吾嗟人愚不見天地造化蘇州本疊出造化造

物四字作十五言一句之初難乃云萬物生自然豈知

鑄錢刻畫醜與妍千狀萬態不可殫神愁鬼泣畫一作

日夜不得閑不然安得巧工妙手撻精竭思不可到若

無若有縹緲生雲烟鬼神功成天地惜藏在甕山深處

石惟人有心無不獲一作乃知人為天地賦天地雖神一

作公有物藏不得又疑鬼神好勝憎吾儕欲極奇怪窮

吾才乃一作故傳張生自西來吳家學士見且哈醉點

紫毫淋墨煤君才自與鬼神鬪嗟我老矣安能陪

初食車螯一本題上云京師

纍纍盤中蛤來自海之涯坐客初未識食之先歎嗟五代昔垂隅九州如剖瓜東南限淮海邈不通夷華於一

作于時北州人飲食陋莫加雞豚為異味貴賤無等差

自從聖人出天下為一家南產錯交廣西珍富切巴水

載每連舳陸輸動盈車谿潛細毛髮海怪雄鬚牙豈惟

貴公侯閭巷飽魚鰕此蛤今始至其來何晚邪螯蟻聞

二名車螯一名車蟻久見南人誇堦殼如玉斑瀾點

生花含漿不肯吐得火邊已呀共食惟恐後爭先屢成

詳但喜羨無厭豈思來甚遐多慙海上翁辛苦斷泥沙

送裴如晦之吳江一本無下三字蘇本注云席上分得已字

休惟思睡眠擁衾裯人心利害兩不謀春陽稍愆天子
憂安得四野陰雲油甘澤以時豐麥稊遊騎踏泥非我
愁

答聖俞莫飲酒此下皆貢院中作

子謂莫飲酒我謂莫作詩花開葉落蟲鳥悲四時百物

亂我思朝吟搖頭暮蹙眉雕肝琢腎聞退之此翁此語

還自遠豈如飲酒無所知自古不飲無不死惟有為善

不可遲一作遺功施當世聖賢事不愁文章千載垂其

餘酩酊一罇酒萬事崢嶸皆可齊腐腸糟肉兩家說計

較屑之何其卑死生壽夭無足道百年長短幾幾時但

飲酒莫作詩子其聽我言非癡

思白兔雜言戲答公儀億鶴之作

君家白鶴白雪毛我家白兔白玉毫誰將贈兩翁謂此
二物皎潔勝瓊瑤已憐野性易馴擾復愛仙格何孤高
玉兔四蹄不解舞不如雙鶴能清嘯低垂兩翅趁節拍
蘇本作拍節婆娑弄影誇嬌嬈兩翁念此二物者久不
見之心甚勞京師少年殊好尚意氣橫出爭雄豪清鐘
美酒不輒飲千金爭買紅顏韶莫令少年聞我語笑我
乖僻遭譏嘲或被偷開兩家籠縱此二物今道遙兔奔滄
海却入明月窟鶴飛玉山千仞直上青松巢索然兩衰
翁何以慰無俸纖腰綠髻既非老者事玉山滄海一去
何由招

戲答聖俞

鶴行而啄青玉嘴枯松脚兔蹲而纒尖兩耳攢四蹄往

往於人家高堂淨屋曾見之 屋家本作室錦裝玉軸掛
壁垂乍見拭目猶驚疑羽毛慘澹眼睛活若動不動如
風吹主人矜誇百金買云此絕筆人間奇畫師畫生不畫
死所得百分三二爾豈知翫物翫其真凡物可愛惟精
神况此二物物之珍月光臨靜夜雪色凌清晨二物於
此時瑩無一點纖埃塵不惟可醒醉翁醉能使詩老詩
思添清新醉翁謂詩老子勿謂我愚老弄兔兒憐鶴雛
與子俱老其衰乎奈何反捨我欲向東家看舞姝須防
舞姝見客笑白髮蒼顏君自照

和梅龍圖公儀謝鵬

有詩鶴勿喜無詩鵬勿悲人禽固異性所趣各有宜朝
戲青竹林暮棲高樹枝咿啾山鹿鳴格磔野鳥啼聲音

不相通各以類自隨使鶴居籠中垂頭以一作似聽詩
鷄鷄享鍾鼓魚鳥見西施鷓鴣不宜爭所爭良可知虺
蜥與環子爲物固已微當彼兩交鬪勇如聞鼓擊有心比
好勝未免爭是非於我一何薄於彼一何私攔檻啄花卉
叫號驚睡兒跳踉兩脚長落泊雙翅垂何足充翫好於
何定妍媸鵲口不能言夜夢以告之主人起謝鵲從我
今幾時儻奴謹守護出入煩提携逍遙遂棲息飲啄安
雄雌花底弄日影風前理毛衣豈非主人恩報効爾宜思
主人今白髮把酒無翠眉養鶴鷓又如我言堪解頤
和聖俞感李花

昨日摘花初見桃今日摘花還見李晴風暖日苦相催
春物所餘知有幾中年多病壯心衰對酒思歸未得歸
不及牆根花與草春來隨處自芳菲
折刑部海棠戲贈聖俞二首

搖搖牆頭花笑笑弄顏色荒涼衆草間露此紅的皜草
木本無情及時如自得清春不可恃白日忽已具繞之
重吟哦歸坐成歎息人生浪自苦得酒且開釋不見宛
陵翁作詩頭早白
搖搖牆頭花豔豔爭青娥朝見開尚少暮看繁已多不
惜花開繁所惜時節過昨日枝上紅今日隨流波物理
固如此去家本作古來知奈何達人但飲酒壯士徒悲
歌

刑部看竹劾孟郊體

花妍兒女姿零落一何速竹色君子德猗猗寒更綠京

師多名園車馬紛馳逐春風紅紫時見此蒼翠玉凌亂
迸青苔蕭疎拂華屋森之日影閑濯生意足幸此接
清賞寧辭薦芳醪黃昏人去一作黃昏寂寂一作寂寂
人去鎖空廊枝上月明春一作看鳥宿

歐陽文忠公文集卷第六

歐陽文忠公文集卷第七

臨江後學曾魯得之考異

古詩

贈沈博士歌

沈夫子胡為醉翁吟醉翁豈能知爾琴滁山高絕滁水
深空巖悲風夜吹林山一作泉溜白玉懸青岑一瀉萬
仞源莫尋醉翁每來喜登臨醉倒石上遺其簪雲荒石
老歲月侵子有三尺徽一作暉黃金寫我幽思窮崎嶇
自言愛此萬仞水謂是太古之遺音泉淙石亂到不平
指下嗚咽悲人心時時弄餘聲言語軟滑如春禽嗟乎
沈夫子爾琴誠工彈且止我昔被謫居滁山名雖一作
雖名為翁實少年坐中醉客誰最賢杜彬琵琶皮作絃

師多名園車馬紛馳逐春風紅紫時見此蒼翠玉凌亂
迸青苔蕭疎拂華屋森之日影閑濯生意足幸此接
清賞寧辭薦芳醪黃昏人去一作黃昏寂寂一作寂寂
人去鎖空廊枝上月明春一作看鳥宿

歐陽文忠公文集卷第六

歐陽文忠公文集卷第七

臨江後學曾魯得之考異

古詩

贈沈博士歌

沈夫子胡為醉翁吟醉翁豈能知爾琴滁山高絕滁水
深空巖悲風夜吹林山一作泉溜白玉懸青岑一瀉萬
仞源莫尋醉翁每來喜登臨醉倒石上遺其簪雲荒石
老歲月侵子有三尺徽一作暉黃金寫我幽思窮崎嶇
自言愛此萬仞水謂是太古之遺音泉淙石亂到不平
指下嗚咽悲人心時時弄餘聲言語軟滑如春禽嗟乎
沈夫子爾琴誠工彈且止我昔被謫居滁山名雖一作
雖名為翁實少年坐中醉客誰最賢杜彬琵琶皮作絃

自從彬死世莫傳玉練鎖

坡詩云新客從翻玉連鎖練

疑作連

聲入黃泉死生聚散日零落耳冷心衰翁索莫

國恩未報慙祿厚世事多虞嗟力薄顏摧鬢改真一翁

心以一作已

憂醉安知樂沈夫子謂我翁言何苦悲人

生百年間飲酒能幾時攬衣推琴起視夜仰見河漢西

南移

和聖俞李侯家鴨脚子

鴨脚生江南名實未相浮絳囊因入貢銀杏貴中州致
遠有餘力好奇自賢侯因令江上根結實夷門秋始摘
纒三四金奩獻凝旒公卿不及識天子百金酌歲久子
漸多纍之枝上稠主人名好客贈我比珠投博望昔所
徙葡萄安石榴想其初來時厥價與此侔今也徧中國

籬根及墻頭物性久雖在人情遠時流惟當記其始後

世知來由是以史官法豈徒續君謳

京師無鴨脚樹駙

馬都尉李和文自南方移植于其第

送吳生

一作孝宗字子京

南歸

自我得曾子於茲二十年今又得吳生既得喜且歎古

士不並出百年猶比肩區區彼江益其產多材賢吳生初自

疑所擬豈其倫我始見曾子文章初亦然豈肯傾黃河渺

漫盈百川決疏以道

一作尊之漸歛收橫瀾東溟知所

歸識路到不難吳生始見我袖藏新文篇

一作編忽從布褐中百寶寓 我前明珠雜璣貝磊砢或不圓

問生久懷此奈何初無聞吳生不自隱欲吐羞俛顏少

也不自重不為鄉人憐中雖知自悔學問苦賤貧自謂

久而信力行困彌堅今來決疑惑幸冀蒙洗滌我笑謂
冥生爾其聽我言世所謂君子何異於衆人衆人爲不善
積聚成滅身君子能自知改過不逡巡惟於斯二者愚
智遂以分顏回不貳過後世稱其仁孔子過而更日月
披浮雲子路初來時鷄冠一作冠鷄佩狼豚斬蛟射白
額後卒爲名臣子既悔其往人誰禦其新醜夫祀上帝
孟子豈不云臨行贈此言庶可以書紳

樂哉襄陽人送劉太尉諸本無太從廣一作景元

赴襄陽一無此三字

嗟爾樂哉襄陽人萬屋連甍清漢濱語言輕清微帶秦
南通交廣西峨岷羅穀織嚴藥物珍枇杷甘橘薦清饈
磊落金盤爛璘璘槎頭縮項昔所聞黃橙擣一作橙齋

香復辛春雷動地竹走根錦苞玉筍味爭新鳳林花發南
山春掩映含藏山門樓臺金碧瓦鱗峴首高亭倚浮
雲漢水如天馮沔斜陽返照白鳥群兩岸桑柘雜耕
耘文王遺化已寂寞千載誰復思其仁荊州漢魏以來
重古今相望多名臣嗟爾樂哉襄陽人道扶白髮抱幼
孫遠迎劉侯朱兩一作望朱輪劉侯年少氣甚淳詩書
學問苦寒士罇俎談笑多嘉賓往時邢名一作基有善
政至今遺愛留其民誰能持我詩以往爲我先賀襄陽
人

奉酌揚州劉舍人見寄之作一作酬劉原父見寄

別君今幾時歲月如挿羽悠々寢與食忽々朝復暮紛
紛竟何爲凜々還自懼朝廷無獻納倉廩徒耗蠹風霜

苦見侵衰病日增故江湖豈不思懇悃布已屢美哉廣
陵公風政傳道路優游侍從臣左右天子顧君來一何
遲我請亦有素何當兩還分尚冀一相遇把手或未
能尺書幸時寓

西齋手植菊花過節始開偶書奉呈聖俞

秋風吹浮雲寒雨洒清曉鮮鮮墻下菊顏色亦何好好
色豈能常得時仍不早文章損精神何用覩天巧四時
悲代謝萬物惜凋槁豈知寒鑑中兩鬢其秋草東城彼
詩翁學問同少一作年小風塵世事多日月良會少我
有一罇酒念君思共倒上浮黃金藥送以清歌裊為君
發朱顏可以却君老

於劉功曹家見楊直講衰女奴彈琵琶戲作呈鍾

大絃聲遲小絃速十歲嬌兒彈啄木啄木不啄新生枝

惟啄槎牙

一作牙槎

枯樹腹花繁蔽日鎖空園樹老參

天杳深谷不見啄木鳥但聞啄木聲春風和暖百鳥語

山路磽确行人行啄木飛從何處來花間葉底時丁丁

林空山靜啄愈響行人舉頭飛鳥驚嬌兒身小指撥硬

功曹廳冷絃索鳴繁聲急郎傾四座為爾飲盡黃金觥

揚君好雅心不俗太學官卑飯脫粟嬌兒兩幅青布裙

三脚木床坐調曲竒書古畫不論價盛以錦囊裝玉軸

披圖掩卷有時倦卧聽琵琶仰看屋客來呼兒旋梳洗

滿額花鈿貼黃菊雖然可愛眉目秀無奈長飢頭頸縮

宛陵詩翁勿謂渠人生自足乃為娛此兒此曲翁家無

長句送陸子履學士通判宿州

一作真州非

古人相馬不相以瘦馬雖瘦骨法奇世無伯樂良可嗤
千金市馬惟市一作其肥驥驥伏櫪兩耳垂夜聞秋風
仰秣嘶一朝絡以黃金羈巨刷一作發吳越暮燕陸丈
夫可憐惟悴時世俗庸皆見遺子履自少聲名馳落筆文
章天下知開懷吐胃不自疑世路迫窄多弄機鬚毛零
落風霜摧十年江湖千首詩歸來京國舊遊非大笑相
逢索酒卮酒酣猶能弄蛾眉山川搖落百草腓愛君不
改青松枝念君明當整駃騠贈以瑤華期早歸豈惟朋友
相追隨坐使臺閣生光輝

送公期得假歸絳

風吹積雪銷太行水暖河橋楊柳芳少年初仕即京國
故里樂歸成鬢霜山行馬瘦春泥滑野飯天寒餽粥香

留連芳

一作風物佳節過東帶還來朝未央

送宋次道學士赴

一作知太五州敏求諸本無宋

古堤老柳葢

一作楊柳排

春煙桃花水下清明前江南

太守見之笑擊鼓插旗催解舡

一作打鼓插旗催發舡

侍中令德宜有後學士清才方少年文章秀粹得家法
筆畫點綴多餘一作逾妍藏書萬卷復彊記故事累朝

能口傳來居侍從乃其職遠置州郡誰謂諸本作為然

交游一時盡英

一作豪

俊車馬兩岸來聯翩舡頭朝轉

暮千里有酒胡不為

一作為不留連

謝觀文王尚書惠西京牡丹

尚書名與華正諸本無觀文二字

京師輕薄兒意氣多豪俠爭誇朱顏事少年肯慰白髮
將花插尚書好事家本作士與俗殊憐我霜毛苦蕭颯

贈以一作寄贈洛陽花滿盤闔麗爭奇紅紫雜兩京相
去五百里幾日馳來足何捷紫擅金粉香未吐綠萼紅
苞露猶濕謂我嘗為洛陽客頗向此花曾涉獵憶昔進
士初登科始事相公沿吏牒河南官屬盡賢俊洛城池
一作苑築相連接我時年纔二十餘每到花開如蛺蝶
姚黃魏紅罽帶靛潑墨齊頭藏綠葉鶴翎添色又其次
此外雖妍猶婢妾爾來不覺三十年歲月纔如熟羊脾
無情草木不改色多難人生自摧拉見花了了雖舊識
感物依々幾拉睫念昔逢花必沽酒起坐驩呼愛傾盞
而今得酒復何為愛花繞之空百匝心衰力懶難勉彊
與昔一何殊勇怯感公意厚不知報墨筆淋漓口徒囁
送朱職方提舉運鹽一本云表臣

齊人謹

一作建

鹽筴伯者之事爾計口收其餘登耗以

生齒民死國亦富繁

若有調理惟

一作維

非三王法儒

者猶為耻後世益不然惟奪由漢始權量自持操屑屑

已甚矣亢竈始蜂房熬波銷海水豈知戴白民食淡有

至死物艱利愈厚令出效隨起良民陷盜賊峻法難禁

止問官得幾何月課煩宮箠公私兩皆然巧拙可知已

英之職方郎文行粹而美連年宿與泗有政皆可紀忽

來從辟書感激赴知己閔然哀遠人吐策獻天子治國

如治身四民猶四體奈何窒其一無異歛厥趾工作而

商行一作与商賈本末相表裏臣請通其流為國掃泥

滓金錢歸府藏滋味飽閭里利害難先言歲月可較比

鹽官皆謂然丞相曰可喜適時乃為才高論徒譎詭夷

吾苟今一作復出未以彼易此隋堤樹穩々汴水流彌
彌子行其勉旃吾黨方傾耳

嘗新茶呈聖俞

建安三千里京師三月嘗新茶人情好先務取勝百物

貴章相矜誇年窮臘盡春欲動蠶雷未起驅龍一作龍

未起驅蟲蛇一作蛇夜聞擊鼓滿山谷千人助叫聲喊呀萬

木寒癡睡不醒惟有此樹先萌芽乃知此為最靈物宜

一作疑其獨得天地之英華終朝採摘不盈掬通犀鈿

小圓復底鄙哉穀兩槍與旗多不足貴如刈麻建安太守

急寄我香菊包裹封題斜泉甘器潔天色好坐中揀擇

客亦嘉一作佳新香嫩色如始造不似來遠從天涯停

匙側盞試水路拭目向空看乳花可憐俗夫把金錠一作

鷄鳴車馬馳夜半聲未已皇皇走聲利與日爭寸晷而

我獨何為閑宴奉君子京師十二門四方來萬里顧吾

坐中人暫聚浮雲爾念子一扁舟片帆如鳥起文章富

千箱吏祿求斗米白玉有時沾青衫豈須耻人生足憂

患合散乃常理惟應當歡時飲酒如飲水

盤車圖一本上題和聖俞

淺山嶙嶙亂石轟々山石硤聲車碌碌山勢盤斜隨澗

谷側轍傾轆如欲覆出乎兩岸之隘口忽見百里之平

陸坡長坂峻牛力疲天寒日暮人心速楊衰一作生忍

飢官太學得錢買此纒盈幅愛其樹老石硬山回路轉

高下曲直橫斜隱見妍姸嚮背各有態遠近分毫皆可

辨自言昔一作古有數家筆畫古一作久傳多名姓失

後來見者知謂誰乞詩梅老聊稱述古畫畫意不畫形
梅詩詠物無隱情忘形得意知者寡不若見詩如見畫
乃知楊生真好竒此畫此詩兼有之樂能自足乃一作
為富豈必金玉名高貴朝看畫暮讀詩楊生得此可不
飢

苔梅

一作和無梅字聖俞莫登樓在禮部

莫登樓樂哉都人方競遊樓闕夜氣春烟浮玉輪東來
泛海陬纖霜洗盡當空留燈光月色爛不收火龍嚼山
祝千秋緣竿踏索雜幻優鼓喧管咽耳欲咻清風嫋嫋
夜悠悠瑩蹄文角一作輪蹄交車如流姬姪扶攔車兩
頭髮髦垂鬢嬌未羞念昔年少追朋儔輕衫駿馬今則
不中年病多昏兩眸夜視曾不如鶴鷗足雖欲往意已

本作捷一作鍵茶錄多用捷字為古按集韻鍵字去声

老頗咨嗟須臾共起索酒飲何用奏雅終淫哇

次韻再作一本云茶歌

吾年向老世味薄所好未衰惟飲茶建溪苦遠雖不到
自少常見閩人誇每啜江浙凡茗草叢生狼藉惟藏蛇

今江浙茶園俗言多蛇

豈如含膏入香作金餅蜿蜒兩

龍戲以呀其餘品第亦竒絕愈小愈精皆露芽泛白如粉
乳乍見紫面生光華手持心愛不敢碾有類弄印幾成
宸論功可以療百疾輕身久服勝一作如胡麻我謂斯

言頗過矣其實最能祛睡邪茶官真餘偶分寄地遠物
新來意嘉親享屢酌不知厭自謂此樂真一作誠無涯

未言久食成手顛已覺疾飢一作病生眼花客遭水厄
疲捧碗口吻無異蝕月慕僮奴傍視疑復笑嗜好乖僻
誠堪嗟更蒙酬句恠可駭兕曹助噪聲哇哇

樂郊詩為劉原甫作一本注原甫鄆州東園也

樂郊何所樂所樂從公遊三日公不出其民感然愁一
聞車馬音從者如雲浮吾問鄆之人無乃失業不云惟
安其業然後樂其休樂郊何所有胡不考公詩有山在
其東有水出淩夷有臺以臨望有沼以游嬉俯仰迷上
下朱欄映清池草木非一種青紅隨四時其餘雖瑣屑
處置各有宜樂郊何以名吾為本其意自古賢哲人所
存非一也當時偶然迹來者因不廢鄆非公久留公去
民孰賴此亭公所登此樹公所憇俾民百年思豈取一

日醉

洗兒歌

為聖俞作一本云前日送酒遂助洗兒

月暈五色如虹蜺深山猛虎夜生兒虎兒可愛一作憐光

陸離開眼已有百步威詩翁雖老神骨秀想見嬌嬰目

與眉木星之精為紫氣照山生玉水生犀兒一作翁不比

他兒翁三十年名天下知村高位下衆所惜天與此兒

聊慰之翁家洗兒衆人喜不一作莫惜金錢散閭一作

里宛陵他日見高門車馬煌煌之梅氏子

鳴鳩崇政殿後考試所作

天將陰鳴鳩逐婦鳴中林鳩婦怒啼無好音天雨止鳩

呼婦歸鳴且喜婦不亟歸一作急還呼不已逐之其去

恨不早呼不肯來固其理吾老病骨知陰晴每愁天陰

聞其聲日長思睡不可得
遭爾時何時停飛鳥笑鳴鳩
兩拙固無匹不能娶巧婦
以共營家室寄巢生子四散飛
一身有婦長相失夫婦之恩
重太山背恩棄義須更問
心非無情不得已物有至拙
誠可憐君不見人心百態巧
且艱臨危利害兩相關朝為
親戚暮仇敵自古常嗟交
道難

代鳩婦言 蒙本注聞人有故棄妻者作

斑然錦翼花簇二雄雌相隨
樂不足抱雛出如翅羽成
豈料一朝還反目人言嫁雞
逐雞飛安知嫁鳩被鳩逐
古來有盛必有衰富貴莫忘
貧賤時文某父母嫁婦作
曰歸中道捨君何所之天生
萬物各有類誰謂鳥獸為
無知雖無仁義有情愛苟聞
此言寧不悲

看花呈 一本有韓子華內翰崇政殿後

老雖可憎還可嗟病眼昏愁
看花不知花開桃與李
但見紅白何交加春深雨露
新洗濯日暖金碧相輝華
浮香著物收不得含意欲吐
情無涯可愛疎簾靜相對
最宜落日初西斜時傾壺共
斟酌及此蜂鳥方諠譁
凡花易見不足數繁穠難到
堪歸誇老病對此不知厭
年少何用苦思家

啼鳥 崇政殿後考試舉入卷子作

握葫蘆提葫蘆不用沾美酒
宮一作官壺日賜新發醅
老病足以扶衰朽百舌百舌
子莫道泥滑滑宮花正好
愁雨來暖日方催花亂發花
樹千重綠暗春珍禽綵羽
自成羣花開祇慣迎黃屋鳥
語初驚見外人千聲百轉

忽飛去一作來枝上自落紅紛紛畫簾陰陰隔宮燭禁
漏杳杳深千門可憐枕上五更曉不似滁州山裏聞

和聖俞一本作唐書局後叢莽中得芸香一本之

作用其韻

有芸黃其華在彼眾草中清香濯曉露秀色搖春風幸
依華堂陰一顧曾不蒙大雅彼君子偶來從學宮文章
高一世論議一作議論伏羣公多識由博學新篇匪雕
蟲唱酬爛衆作光輝發幽叢在物苟有用得時寧久窮
可憐凡草木糞壤自青紅

苔劉原父舍人見過後中夜酒定復追昨日所覽
雜記并簡梅聖俞之作

君子忽我顧一作顧我貧家復何有虛空采清風佳果

薦濁酒簡編記遺逸論議相可否欲知所書人其骨多
已朽前者既已然後來寧得久所以昔人云杯行莫停
手

歐陽文忠公文集七卷終

歐陽文忠公集卷第八

臨江後學曾曾得之考異

古詩

有贈余以端谿石枕與蘄州竹簟皆佳物也余
既喜睡而得此二者不勝其樂奉呈原父舍人

聖俞直講

端谿琢出缺月樣蘄州織成雙水錦

一作紋呼兒置枕展

方簟赤日正午天無雲黃琉璃光綠玉潤瑩淨冷滑無
埃一作纖塵憶昨開封暫陳力屢乞殘骸避煩劇聖君

歐陽文忠公集卷第八

臨江後學曾曾得之考異

古詩

有贈余以端谿石枕與蘄州竹簟皆佳物也余
既喜睡而得此二者不勝其樂奉呈原父舍人

聖俞直講

端谿琢出缺月樣蘄州織成雙水錦

一作

紋呼兒置枕展

方簟赤日正午天無雲黃琉璃光綠玉潤瑩淨冷滑無
埃一作纖塵憶昨開封暫陳力屢乞殘骸避煩劇聖君

哀憐大臣閔察見衰病非虛飾猶蒙不使如一作加罪去
特許遷官還舊職選材臨事不堪用見利無慙惟苟得
一泛就舍一作屋居城南官不坐曹門一作閑少客自
然唯與睦相宜已懶遭一作投閑何慙適從來羸藹苦
疲困况此煩歎正交赫少壯喘息人莫聽中年鼻鼾猶
惡声癡兒掩耳謂雷作竈婦驚窺疑釜鳴蒼蠅蟻蠓任
緣撲蠹一作詩書懶架拋縱橫神昏氣濁如此言語
思慮何由清常聞李白好飲酒欲與鏞杓同生死一作生
我今好睡又過之身與一物為三爾江西得請在日暮
收拾歸裝從此始終當卷簾携梳去築室買田青頰尾
夜聞風声有感奉呈原父舍人聖俞直講

夜半群動息有風生樹端飒然飄我衣起坐為長嘆苦
暑君勿厭初涼君勿歡暑者在物猶盛涼歸歲將寒清霜
忽已飛零露亦溥二霜露本無情豈肯私蕙蘭不獨草
木爾君形安得完赫髮變新白鑑容銷一作無故丹風
埃共侵迫心志亦摧殘萬古一飛隼兩曜雙跳丸擾
賢与愚流沙逐驚湍其未固如此獨久知誠難服食為
藥誤此言真不刊但營飲美酒何當被輕紉

谷梅聖俞大雨見寄

夕雲若頽山夜雨如决渠俄然見青天欲一作升蟾蜍倏
忽陰氣生四面如吹嘘狂雷走昏黑驚電照夔夔搜尋
起龍蟄下擊墓與墟雷声每軒轟雨勢随疾徐初若浩
莫止俄收闋無餘但掛千丈虹紫翠橫空虛頃刻百變
態晦明誰卷舒豈知下土人水潦沒襟裾擾一作泥淖中

無異鴨與豬嗟我來京師庇身無弊閭鄰注湧溝竇街
流溢庭除出門愁浩渺閉戶恐為豬牆壁豁四達幸家
無貯儲蝦蟆鳴竈下老婦但歎歎九門絕來薪朝爨欲
毀車壓弱委性命焉能顧圖書乃知生堯時未免憂為
魚梅子猶念我寄書憂我居慰我以新篇琅玕比瓊塔
官閑行能薄補益愧空踈歲月行晚矣江湖盍歸歟吾
居傳郵爾此計豈躊躇

谷聖俞白鸚鵡雜言

憶昨滁山之人贈我玉兔子越明年春玉兔一有子字
死日陽書出月夜明世言兔子望月生謂此瑩然而白
者譬夫水之為雪而為冰皆得一陰凝結之純精常恨
處非大荒窮北極寒之曠野養違其性天厭齡豈知火

維地荒絕漲海連天沸天一作炎熱黃冠黑距人語言

有鳥玉衣尤皎潔乃知物生天地中万殊難以一理通

海中洲一作島窮人亦來市廣州終八國其間注輦來

最稀一作遠此鳥何年隨海船誰能遍歷海上峯萬怪千

竒安可極兔生明月月在天玉兔不能久人間况爾來

從炎瘴地豈識中州霜雪寒渴雖有飲飢有啄羈紲終

知非爾樂天高海闊路茫茫嗟爾身微羽毛弱爾能識

路知所歸吾欲開籠縱爾飛俾爾歸詫宛陵詩此老詩

名聞四夷

清明前一日韓子華以靖節斜川詩見招遊李

園既歸遂苦風兩三日不能出窮坐一室家人

輦倒殘壺得濁酒數杯泥深道路無人行去

市又遠索於筐筥得枯魚乾蝦數種彊飲疾醉
昏然便寐既寤索然因著所見奉呈聖俞

少年喜追隨老大厭諠譁慚愧二三子數我行看花花
開豈不好時節亦云嘉因病既不飲衆歡獨成一作嗟
管絃暫過耳風雨愁還家三日不出門堆厖類寒鴉妻
兒彊我飲釘短果與瓜濁酒傾殘壺枯魚雜乾蝦小婢
立我前赤脚兩髻丫軋々鳴双絃正如櫓嘔啞坐令江
湖心浩蕩思無涯寵祿不知報鬢毛今已華有田青嶺
間尚可事桑麻安得一黃犢幅巾駕柴車

奉荅原父見過龍示之作

不作流水声行將二十年吾生少賤足憂患憶昔有罪
初南遷飛帆洞庭入白浪墮淚三峽聽流泉援琴寫得

入此曲聊以自慰窮山間中間永陽亦如此醉卧幽谷
聽潺湲自從還朝戀學一作寵祿不竟鬢髮俱凋殘耳
衰聽重手漸顫自惜指法將誰傳偶欣日色曝書益試
拂塵埃張斷絃嬌兒癡女逸翁膝爭欲彊翁聊一彈紫
微閣老適我過愛我指下聲冷然戲一作語君此是伯
牙曲自古常歎知音難君雖不能琴能得琴一作其意
斯為賢自非樂道甘寂寞誰肯顧我相雷連興闌束帶
索馬去却鎖塵匣包青氈

會飲聖俞家有作兼呈原父景仁聖後

憶昨九日訪君時正見堦前兩叢菊愛之欲進行百匝
庭下不能容我足折花却坐時嗅之已醉還家手猶馥
今朝我復到君家兩菊堦前猶對東枯草槁葉苦風霜

無復滿叢金間綠京師誰家不種花碧砌朱闌敞華屋
奈何來對兩枯株共坐窮簷何局促詩翁文字發天葩
豈比青紅凡草木凡草開花數日間天葩無根長在目
遂令我每飲君家不覓長瓶卧墻曲坐中年少皆賢豪
莫怪我今雙鬢禿須知朱顏不可恃有酒當歡一作飲
且相屬

依韻奉酬聖俞二十五兄見贈之作

與君結交遊我最先衆人我少既多難君家常苦貧今
為兩衰翁髮白面亦皺念君懷中玉不及市上珉珉賤
易為價一棄久埋塵惟能吐文章白日射星辰幸同居
京城遠不隔重闈朝罷二三公隨我如魚鱗君聞我來
喜置酒留逡巡不待主人請自脫頭上巾歡情雖漸淺

老意亦相親窮達何足道古來茲理均

小飲坐中贈別祖擇之赴陝府
諸本無擇之赴

明日君當千里行今朝始共一樽酒豈惟明日難重持
試思此會何常有京師九衢十二門車馬煌煌事奔走
花開誰得屢相過盞到莫辭頻舉手懽情落寞酒量減
置我不須論老朽奈何公等氣方豪雲夢正當吞八九
擇之名声重當世少也多奇晚方偶西州政事諳風謠
右掖文章煥星斗待君歸日我何為手把鋤犁汝陰叟
奉答聖俞達頭魚之作

吾聞海之大物類無窮極蟲蝦淺水間羸蜋如山積毛
魚與鹿用一龕拾數千百收藏各有時嗜嗜好無南北
其微一作既若斯其大有一一作其大者固莫測波濤浩渺

中島屿生頃刻俄而沒不見始悟一作久始出背脊有
時隨潮未晁死疑遭謫海人相呼集刀踞爭剖一作研
析骨節駭專車鬚芒一作牙伴劍戟腥聞數十里餘臭
久乃息始知百川歸固有含容德潛竒與秘寶萬狀一
作物不一識嗟彼達頭微誰傳到一作偶傳到一作偶
傳入京國乾枯少滋味治平洗費炮炙聊茲知異物豈
足薦佳客一旦辱得君詩虛名徒此得京師人不識
此魚滄洲人防禦見寄以分聖俞辱以詩答

送刁紡推官

此本無歸潤州

翹翹名家子自少能慷慨常泛幕府辟躍馬臨窮塞足
時西邊兵屢戰輒一作無功屢奔潰歸來買良田悅首
李秉耒家為白酒醇門掩青山對優游可以老世利何

足愛奈何泛所知又欲向并代主人忽南遷此計亦一
作乃中悔彼在吾往乃從彼去吾亦退與人交若此
可以言郎繁

夜坐彈琴有感二首呈聖俞

吾愛陶靖節有琴常自隨無絃人莫聽此樂有誰知君
子薦自信衆人喜隨時其中苟有得外物竟何為寄謝
伯牙子何須鍾子期

鍾子忽已死伯牙其已乎絕絃謝世人知音涉此無絃
巴魚自躍此事見於書師曠嘗一鼓群鶴舞空虛吾恐
二三說其言皆過欵不然古今人愚智邈已殊奈何人
有耳不及鳥與魚

二月雪

寧傷桃李花無損杞與菊杞菊吾所嗜惟恐食不足花
開少年事不入老夫目老夫無遠慮所急在口腹風晴
日暖雪初銷踏泥自採籬邊綠

歸田四時樂春夏二首

秋冬二首命
聖俞分作

春風二月三月時農夫在田居者稀新陽晴暖動膏腴
野水泛濫生光輝鳴鳩聒屋上啄布穀翩翩飛
碧山遠映丹杏發青草暖眠黃犢肥田家此樂知者誰
吾獨知之胡不歸吾已買田清潁上更欲臨流作釣磯
南風原頭吹百草草木叢深茅舍小麥穗初齊雉子嬌
桑葉正肥蚕食飽老翁但喜歲年熟餉婦安知時節好
野棠梨密啼晚鶯海石榴紅疇山烏田家此樂知者誰
我獨知之歸不早乞時當及強健時顧我蹉跎已衰老

明妃曲和王介甫作

胡人以鞍馬為家射獵為俗泉甘草美無常虜鳥驚獸
駭爭馳逐誰將漢女嫁胡兒風沙無情貌如玉身行不
遇中國人馬上自作思歸曲推手為琵琶却手琵琶胡人共
聽亦咨嗟玉顏流落死天涯琵琶一作此曲却傳來漢
家漢家爭按新聲譜遺恨已深聲更苦織女手生洞
房琴得琵琶不下堂不識黃雲出塞路豈知此聲能斷
腸

盆池

西江之水何悠哉經歷顛石險且回餘波拗怒猶獨一作
涵澹奔濤驚浪常喧豗有時夜上滕王閣月照淨練
一作綠無纖埃揚瀾左里在其北無風浪起傳古來老

蛟深處獸窟穴蛇身微見行者猜呼龍瀝酒未及祝五
色粲一作照爛高崔嵬忽然遠引千丈去百里水面中
分開收蹤滅跡莫知處但有兩電隨風雷千竒萬變聊
一戲豈一作肯顧溺死為可哀輕人之命若螻蟻不止
山岳將傾頽此外魚蝦何足道獸飲但竟腥盤杯壯哉
豈不快耳目胡為守此空墻隈陶盆斗水仍下漏四岸
久雨生莓苔游魚潑不盈寸泥潛日炙愁暴鯁魚誠
不幸此踟促我能決去反徘徊

再和明妃曲

漢宮有佳美一作人天子初未識一朝隨漢使遠嫁單于
國絕色天下無一失難再得雖能殺畫工於事竟何益
耳目所及尚如此萬里安能制夷狄漢計誠已拙女一

作美

巴難自誇明妃去時淚洒向枝上花狂風日暮起
漂泊落誰家紅顏勝人多薄命莫怨春風當自嗟

奉送原父侍讀出守永興

一作奉送永興安撫劉侍讀

酌君以荊州魚枕之蕉贈君以宣城鼠鬚之管酒如長
虹飲滄海筆若駿馬馳平坂愛君尚一作年少方豪
嗟我以衰歡漸鮮文章驚世知聞一作各早意氣論交相
得晚魚枕蕉一舉十分當覆盞鼠鬚管為物須微情不
淺新詩醉墨時一揮別後寄我無辭遠

哭聖俞

昔逢詩老伊水頭青衫白馬渡伊流難聲八節響石樓
坐中辭氣凌清一作高秋一飲百盞不言休酒酣思送
語更道河南丞相稱賢侯後車日載妓與如我言寂少

力方優明珠白璧相報投詩成希深擁鼻謳師曹卷古
藏戈矛三十年間如轉眸屈指十九歸山丘凋零所餘
身百憂晚登玉輝待珠流詩老蒼蓋太李愁垂離會合
謂無由此會天幸非人謀領鬚已白齒根浮子年加我
貌則不歡猶可彊閑屢偷不齊歲月成淹留文章落筆
動九州釜甑過午無饋餽良時易失不早收篋擯擯作
瓦礫遺珣璆薦賢轉石古所尤此事有暇非吾羞命也
難知理莫求名聲赫々掩諸幽翩然素旆歸一舟送子
有淚流如溝

歐陽文忠公集卷第八

熙寧五年秋七月男發等編定

歐陽文忠公集卷第九

臨江後學曾魯得之考異

古詩

寄題劉著作義叟家園效聖去刑體

嘉子治新園乃在太行谷山高地苦寒當樹所宜木羣
花媚春陽開落一何速凜凜心節竒惟應松与竹毋哉
當暑謹寧種深秋菊、死抱枯枝槿豔隨昏旭黃栌雖
可愛南土氣常煥未知經雪霜果自保其綠顏色苟不
衰始知根性足此外衆草花徒能悅凡目千金買姚黃

力方優明珠白璧相報投詩成希深擁鼻謳師曹卷古
藏戈矛三十年間如轉眸屈指十九歸山丘凋零所餘
身百憂晚登玉輝待珠流詩老蒼蓋太李愁垂離會合
謂無由此會天幸非人謀領鬚已白齒根浮子年加我
貌則不歡猶可彊閑屢偷不齊歲月成淹留文章落筆
動九州釜甑過午無饋餉良時易失不早收篋擯擯作
瓦礫遺珣璆薦賢轉石古所尤此事有暇非吾羞命也
難知理莫求名聲赫々掩諸幽翩然素旆歸一舟送子
有淚流如溝

歐陽文忠公集卷第八

熙寧五年秋七月男發等編定

歐陽文忠公集卷第九

臨江後學曾魯得之考異

古詩

寄題劉著作義叟家園效聖去刑體

嘉子治新園乃在太行谷山高地苦寒當樹所宜木羣
花媚春陽開落一何速凜凜心即竒惟應松与竹毋哉
當暑謹寧種深秋菊、死抱枯枝槿豔隨昏旭黃栌雖
可愛南土氣常煥未知經雪霜果自保其綠顏色苟不
衰始知根性足此外衆草花徒能悅凡目千金買姚黃

慎勿同流俗

西齋小飲贈別陝州冲卿李士分得黃字爲韻
今日胡不樂衆賓會高堂坐中瀛洲客新佩太守章豈無
芳樽酒笑語共一觴亦有嘉一作佳菊叢新苞弄微黃
所嗟時易晚節物已淒涼羣鷺方盛集離鴻獨高翔山
川正搖落行李怯風霜君子樂爲政朝廷須雋良歸來
紫微閣遺愛在甘棠

奉命原甫九月八日見過會飲之作

老大惜時節少年輕別離我歌君當和我酌君勿辭豔
二庭下菊與君吟繞之擷其黃金葉泛此白玉卮君勿
愛此花問君此何時秋風日益高霜露漸離披芳歲忽
已晚朱顏從此衰念君將捨我車馬去有期君行一何

樂我意獨不怡飛兔不戀羣奔風誰能追老驥但伏櫪
壯心良可悲

予作歸鴈亭於滑州後十有五年梅公儀來守
是邦因取余詩刻于石又以長韻見寄因以畝

之一作和滑州公儀龍圖歸鴈亭長句

風吹城頭秋草黃仰見鳴鴈初南翔秋草風吹春復綠
南鴈北飛聲蕭々城下墓邊桃李蹊憶初披荒手植之
雪消冰解草不動因記鴻一作發記南鴈將歸時爾來
十載空遺亦飛鴈年々自南北臺傾餘址草荒涼樹老
無花春寂歷東州太守詩尤美組織文章爛如綺長篇
大句琢方石一日都城傳百帑我思古人無不然慷慨
一作感勳功名垂百年沉碑身後念陵谷身後家本作

得身誤把酒泣下悲山川一時留賞雖避迨後世傳之
因不朽

寄題洛陽致政張少卿靜居堂

洛人皆種花花發有時闌君家獨種玉、、產琅玕子
弟守家法名聲聳朝端歲時歸拜慶閭里亦相勸西臺
有道氣自少服靈丸春酒養眉壽童顏如溼丹清談不
倦客妙思喜揮翰壯也已吏隱興餘方掛冠臨風想高
誼懷祿愧盤桓

鬼車

嘉祐六年秋九月二十有八日天愁無光月不出浮雲
殷天衆星沒舉手嚮空知抹漆天昏地黑有一物不見
其形但聞其聲其初切、凄、或高或低乍似玉女調

玉笙衆管參差而不齊既而呬、叻、若軋若抽又如
百兩江州車回輪轉軸聲啞嘔鳴機夜織錦江上羣馬
驚起蘆花洲吾謂此何聲初莫窮端由老婢撲燈呼兒
曹云此怪鳥無匹儔其名爲鬼車夜載百鬼凌空遊其
聲雖小身甚大翅如車輪排十頭凡鳥有一口其鳴已
啾、此鳥十頭有十口口挿一舌連一喉一口出一聲
千聲百響更相酬昔時周公居東周馱聞此鳥憎若讎
夜呼庭氏率其屬鬻弧俾逐出九州射之二豎不能中
天遣天狗從空投自從狗齒一頭落斷頸至今清血流
尔來相距二千秋書藏夜出如鵲鷓每逢陰黑天外過
乍見火光驚輒墮有時餘血下點汚鴉卧所遭之家、
必破我聞此語敬且疑反祝疾飛無我禍我思天地何

茫々百物巨細理莫詳吉凶在人不在物一蛇兩頭反
為祥却呼老婢炷燈火捲簾開戶清華堂須臾雲散眾
星出夜靜皎月流清光

感二子

黃河一千年一清岐山鳴鳳不再一作載鳴自後蘇梅
二子死天地寂然收雷聲百蟲坏戶不昏蟄萬木逢春
不發萌豈無百鳥解言語喧啾終日無人聽二子精思
極搜抉天地鬼神無遁情及其放筆騁豪俊筆下萬物
生光榮古人謂此觀天巧命短疑為天公憎昔時李杜
爭橫行麒麟鳳凰世所驚二物非能致太平須時太平
然後生開元天寶物盛極自此中原疲戰爭英雄白骨
化黃土富貴何止浮雲輕惟有文章爛日星氣凌山岳

常崢嶸賢愚自古皆共盡突兀空留後世名

讀書

吾生本寒儒老尚把書卷眼力雖已疲心意殊未倦正
經首唐虞偽說起秦漢篇章異句讀解詁及箋傳是非
自相攻去取在勇斷初如兩軍兵一作交乘勝方酣戰方
一作多當其旗鼓催不覺人馬汗至哉天下樂終日在

几一作書案念昔始從師力學希仕宦豈敢取聲名惟期

脫貧賤忘食日已晡家本誤作脯蘇本亦誤燃薪夜侵

旦謂言得志一作意後便可焚筆硯少償辛苦時惟事寢

與飯歲月不我留一生今過半中間常忝竊內外職文

翰官榮日清近廩給亦豐羨人情慎所習醜毒比安宴

漸追時俗流稍學營辦盃盤窮水陸賓客羅俊彥自

從中年來人事攻百箭非惟職有憂亦自老可歎形骸
苦衰病心志亦退懦前時可喜事閉眼不欲見惟尋舊
讀書簡編多朽斷古人重溫故官事幸有間乃知讀書
勤其樂固無限少而干祿利老用忘憂患又知物貴久
至寶見百鍊紛華暫時好俯仰浮雲散淡泊味愈長始
終殊不變何時乞殘骸萬一免罪譴買書載舟歸築室
一作屋一作穎水岸平生頗論述銓次加點竄庶幾乘後世不
默死芻豢信哉蠹書魚韓子語非訕

鴨鵝詞

效王建作

家本宣和本無注字

龍樓鳳闕一作閣一作欒淨疎深宮不聞更漏聲紅紗蠟燭愁
夜短綠窓鴨鵝催天明一聲兩聲人漸起金井蟬響聞
汲水三聲四聲促嚴粧紅靴玉帶奉君王萬年枝軟風

露濕上下枝間聲轉急南衙促仗三衛列九門放鑰千

官入重城禁籟鎖池臺此鳥飛從何處來君不見潁河

東岸村

一作

破關山禽野鳥常

一作

嘲啞田家惟聽夏

鷄聲

鴨鵝東西村人謂之夏鷄

夜壠頭耕曉月可憐

此樂獨吾知眷戀君恩今白髮

初食

雞頭有感

一本無有慮字

六月京師暑雨多夜々南風吹芡背凝祥池鎖會靈園
僕射荒陂安可擬京師賣五岳官鄭州鷄頭家佳爭先
園客採新苞剖蚌得珠從海底都城百物貴新鮮厥價
難酬與珠比金盤磊落何所薦滑臺發醅如玉醴自慙
竊食萬錢厨滿口飄浮嗟病齒却思年少在江湖野艇
高歌菱芡裏香新味全手自摘玉潔沙磨軟還美一瓢

固不羨五鼎萬事適情爲可喜何時遂買頽東田歸去
結茆臨野水

雙井茶

西江水清江石老石上生茶如鳳爪窮臍不寒春氣早
雙井芽生先百草白毛囊以紅碧紗十斤茶養一两芽
長安富貴五侯家一啜猶須三日誇寶雲日注非不精
爭新棄舊出人情豈知君子有常德至宝不隨時變易
君不見建溪龍鳳團不改舊時香味色

贈李士寧

蜀狂士寧者不邪亦不正混世使人疑詭譎非一行平
生不把筆對酒時高談初如不着意語出多奇勁傾財
解人難去不道名姓金錢買酒醉高樓明月空床眠不

醒一身四海即爲家獨行萬里聊乘興既不採藥賣都
市又不點石化黃金進不干公卿退不隱山林與之遊
者一本四字作世之人但愛其人而莫一作見其術安

知其心吾聞有道之士游心太虛道遥出入常與道俱
故能入火不熱一作入水不濡嘗聞其語一作言雖聞
其語矣而未見其人也豈斯人之徒歟不然言不純師
行不純德一作而一本无一作滑稽玩世其東方朔之流乎

明妃小引

漢宮諸女嚴妝罷共送明妃溝水頭溝上水聲來不斷
花隨水去不回流上馬即知無返日不須出塞始堪愁

感事四首

老者覺時速閑人知日長日月本無情人心有閑忙勞

力取功名斷碑埋路傍
道遇林下士丘壠亦相望
長生既無藥濁酒且盈觴

空山一道士辛苦學延齡
一旦隨物化反言仙已成
開墳見空棺謂已超青冥
尸一作解如蛇蟬換骨蛇其形
既云湏變化何不任死生

仙境不可到誰知仙有無
或乘九斑虬或駕五雲車
朝倚扶桑枝暮遊崑崙墟
往來幾萬里誰復遇諸涂
富貴不還鄉安事富貴歟
神仙不見魑魅與為徒
人生不免死魂魄入幽都
仙者得長生又云超太虛
等為不在世與鬼亦何殊
得仙猶若此何況不得乎
寄謝山中人辛勤一何愚

莫笑學仙人山中苦岑寂
試看青松鶴何似朱門客
朱

門炙手熱來者無時息
何嘗問寒暑豈暇謀寢食
彊顏悅憎怨擇語防仇敵
歎欲苦無厭有求期必獲
敢辭一身勞豈塞天下責
風波卒然起禍患藏不測
神仙雖杳注富貴竟何得

山齋賦書絕句

蜜脾未滿蜂採花麥壠已深鳩喚一作雨
正是山齋睡足時不覺花間日亭午

歐陽文忠公集九卷終

歐陽文忠公集九卷終

歐陽文忠公集九卷終

臺灣國家圖書館, NATIONAL CENTRAL LIBRARY, TAIWAN, R.O.C.

歐陽文忠公集卷第十一

臨江後學曾魯得之考異

律詩十七首

初至夷陵答蘇子美見寄

三峽倚岩堯一作南遷地最遙物華雖可愛鄉思獨

無聊江水流青嶂猿聲在碧霄野篁抽夏笋叢橘長春

條未臘梅先發經霜葉不凋江雲愁一作懸山霧晦連

朝斫谷爭收漆梯林闕摘椒巴賓船賈集一作巴江船

賈至蠻市酒旗招時節同荆俗民風載楚謠俚歌成調

笑擦擦作祭家本宣和並作祭家本並無注字宣和本

有注云而皆作祭疑此本是蘇本只作祭而無注鬼聚

喧囂夷陵之俗多淫奔又好祠祭每愚祠時里民數百



其說其餘里語謂之祭鬼因此多成聞訟得罪宜投裔
包羞分折霄光陰催晏歲牢落慘驚颯白髮新年出朱
顏異域銷縣樓朝見虎官舍夜聞鴉寄信無秋鴈思歸
望斗杓須知千里夢長繞洛川橋

冬後三日陪丁元珍遊東山寺

幕府文書日已稀清罇歲晏喜相携寒山帶郭穿松路
瘦馬尋春踏雪泥翠蘚蒼崖森古木綠蘿盤石暗深溪
爲貧賞物來猶早迎臘梅花吐未齊

送前巫山宰吳殿丞

字照鄰家本無注丁二字蘇本亦無

俊城當年仰下風天涯今日一樽同高文落筆妙天下
清論揮犀服坐中江上掛帆明月峽雲間謁帝紫微宮
山城寂寞少嘉客喜見瓊枝一作林慰病翁

龍興寺小飲呈表臣元珍

平日相從樂會文博景壺馬占朋分罰籌多似昆陽矢
酒令嚴於細柳軍敵日雪雲猶靉靄欲晴花氣漸氛氲
一樽萬事皆毫末螺蠹螟蛉豈足云

縣舍不種花惟栽楠木冬青茶竹之類因戲書七
言四韻

結綬當年仕兩京自憐年少體猶輕伊川洛浦尋芳徧
左紫姚黃照眼明客思病來生白髮山城春至少紅英
芳叢密葉聊須種猶得蕭蕭聽雨聲

至喜一作虛白堂新開北軒手植楠木兩株芝華

呈元珍表臣

爲憐碧砌宜佳樹自斲蒼苔選綠叢不向芳菲趁一作

赴開落直須霜雪見青葱披條法轉清晨露響葉蕭騷
半夜風時掃濃陰北窓下一枰閑且伴衰翁
戲荅元珍一本下云花時久雨之作

春風疑不到天涯二月山城未見花殘雪壓枝猶有橘
凍雷驚筍欲抽芽夜聞歸鴈生鄉思病入新年一作鳥
聲漸變知芳節人意無聊感物華曾是洛陽花下客野
芳雖晚不須嗟

初晴獨遊東山寺五言六韻

日暖東山去松門數里斜山林隱者趣鍾鼓梵王家地
僻遲春節風晴變一作別物華雲光漸容與鳥啼已交
加水下泉初動烟中茗未芽自憐多病客來探欲開花
夷陵歲暮書事呈元珍表臣一本作元珍判官表

推官

蕭條雞犬亂山中時節嶮峻忽一作歲已窮遊女騷騷

風俗古野巫歌舞歲年豈夷陵俗朴陋惟歲暮祭鬼則

男女數百相而樂飲婦女為野服以相遊戲夷

陵俗下一本有古字平時都邑今為陋敵國江山昔最

壯三國時吳蜀戰爭於此荆楚先賢多勝迹不辭携酒

問鄰翁處士河拿居縣舍西好李多知荆楚故事

夷陵書事寄謝三舍人一作代書寄舍人三丈

春秋楚國西偏境陸羽茶經第一州紫籜青林長蔽日

綠叢紅橘最宜秋道塗處險人多負邑屋臨江俗善泅

臘市漁一作魚鹽朝暫合淫祠簫鼓歲無休風鳴燒入

空城響雨惡江崩斷岸流月出行歌聞調笑花開啼鳥

亂鉤駟一本有訟廷畫地通人語邑政觀風間俚語士

俗雖輕人自樂山川信美客偏愁四句黃牛峽口經新

歲白玉京中夢舊遊曾是洛陽花下客欲誇風物向君

羞

戲一作寄贈丁判官

西陵江口折寒梅爭勸行人把一作酒盃須信春風

無遠近維舟處處有花開

寄梅聖俞一本注夷陵作

青一作春山四顧亂無涯雞犬蕭條數百家楚俗歲時

多雜鬼蠻鄉一作風言語不通華繞城江急舟難泊當

照山高日易斜擊鼓踏歌成夜市邀龜卜雨趁燒一作

春畬叢林白晝飛妖鳥庭砌非時見異花惟有山川為

勝絕寄人堪作畫圖誇

離峽州後回寄元珍表臣一本作元珍判官表臣

推官

經年遷謫竄荆蠻惟有江山興未闌醉裏人歸青草渡

夢中船下武牙灘野花零落一作零亂風前亂一作舞

飛雨蕭條江上寒荻芽時魚方有味恨無佳客共盃盤

再至西都一作寄謝希深

伊川不到十年間魚鳥今應恠我一作我自還浪得浮

名銷壯節羞將一作看白髮見一作對青山野地向客

開如一作異范向我情猶笑芳草留人意自閑却到一

作行至謝公題壁處向風清淚獨一作臨風清淚落潺

潺

過錢文僖公白蓮莊

城南車馬地行客過徘徊野水寒猶入餘花晚自開命
賓曾授簡開府最多才今日西州路何人更獨來

謝公挽詞三首

始見行春旆俄聞引薤蕭笑言猶在耳魂魄遂難招天
象奎星暗辭林玉樹凋朔風吹霰雪銘旆共飄飄
前日賓齋宴今晨奠柩觴死生公自達存沒世徒傷
國難歸奠餘貲不給喪平生公輔志所一作可得在文
章

樂事與良辰平生愛洛濱泉臺一閉夜萬里不知春
翰墨猶新澤圖書已素塵堪吟寢門哭猶有舊時賓

愁牛嶺

邦人盡一作自說畏愁牛一作牛愁不獨牛愁我亦愁

終日下一作遶山行百轉却從山脚望山頭

寄子山待制二絕一本後篇作別鎮陽寄仇待制

留滯西山獨可嗟殘春過盡始還家落花縱有那堪醉

一作看一作愛何況歸時無落花

聞君屢醉賞紅英落盡殘花酒未醒嗟我落花無分看
莫嫌狼藉掃中庭

寄秦州田元均儒

由一作近來邊將用儒臣坐以威名撫漢軍萬馬不嘶
聽孺令諸蕃無事著一作樂耕耘夜帳聞羌笛詩
就高樓對隴一作暮雲莫忘一作望鎮陽遺愛在一作
地北潭桃李正氛氲一作春深桃李正網緼

送沈待制陝西都運使諸本無遊字

幾歲瘡痍近息兵經營方喜得時英從來漢粟勞飛輓
當使秦人自戢耕道左旌旗諸將列馬前弓一作見劔
六藩迎知君材力多開暇剩聽陽關醉後聲

藥城遇風效韓孟聯句體

歲暮氛霾惡冬餘氣候爭吹噓回暖律孺令發新正遠
響來猶漸狂奔勢益橫頽城鏖戰鼓掠野過陰兵掃蕩
無餘霰顛摧鮮宣和本作解立莖五山探爰業五宣和

本誤作王

九鼎沸煎身玉石焚岡裂波濤卷海傾遙聽

午市合爭呼夜驚營慘極雲無色陰窮火自生電鞭時

壽 壽宣和本誤作

劃雷軸助喧轟孔竅千聲出陰幽

百恠呈狐妖憑莽蒼鬼焰走青燐奮怒神增悚中休耳

暫清胡兵占月暈江客候鼉鳴飄葉千艘失飛空萬瓦
輕猶蒙添馬健舶穩想帆征畏壓頓移席陰祈屢整纓
凍消初醒蟄枯活欲抽萌病體愁山館春寒賴酒鎬雞
彌天地白登壘看晴明

過中渡二首

中渡橋邊十里堤寒蟬一作梅落盡柳條衰年塞下
春風脫誰見輕黃弄色時

得歸還自歎淹留中渡橋邊柳拂頭記得來時橋上過
斷冰殘雪滿河流

自河北貶滁州初入汴河聞鴈

陽城淀裏新來鴈趁伴南飛逐一作何事來隨南越船
野岸柳黃霜正白五更驚破客愁眠

自勉

引水澆花不厭勤，便須已有鎮陽春。官居處々如郵傳，誰得三年作主人。

席上送劉都官

都城車馬日喧喧，雖有離歌不慘顏。豈似客亭臨野岸，暫留罇酒對青山。天街樹綠騰歸騎，玉殿霜清綴曉班。莫忘西亭曾醉處，月明風溜響潺湲。

寄劉都官

別後山光寒更綠，秋深酒美色仍清。繞亭黃菊同君種，獨對殘芳醉不成。

書王元之畫像側在瑯琊山

偶然來繼前賢迹，信矣皆如昔日言。諸縣豈登少公事，

一家飽暖荷君恩。想公風采常如在，顧我文章不足論。名姓已光青史上，壁間容貌任塵昏。公貶滁州，謝上表云：諸縣豈登苦無公事，一家飽暖共荷君恩。

送京西提刑趙學士

題典嘗屈佐留京，攬轡今行一作來按屬城。楚館尚看淮月色，嵩雲應過虎關迎。春寒酒力風中醒，日暖梅花雪後清。野俗經年留惠愛，莫辭臨別醉冠傾。

寄題宜城縣射亭

作邑三年事事勤，宜城風物自君新。已能為政留遺愛，何必栽花遺後人。藹若芝蘭芳可襲，温如金玉粹而純。友朋欣慕自如此，何況斯民父母親。

豐樂亭遊春三首

綠樹交加山一作新陰野鳥啼晴風蕩漾落一作晚晴
斜日雜花飛鳥歌花舞太守醉明日一作月酒醒春已
一作色歸

春雲淡淡日輝輝草惹行襟絮拂衣行到亭西逢太守
籃輿酌酌插花歸

紅樹青山日欲斜長郊草色綠無涯遊人不管春將老
一作盡來往 一作空繞 亭前踏落花

謝判官幽谷種花

淺深紅白宜相間先後仍須次第栽我欲四時携酒去
莫教一日不花開

畫眉鳥一作郡齋聞百舌

百轉千聲隨一作任意移山花紅紫樹高低始知鎖句

金籠聽不及林間自在啼

懷嵩樓新開南軒與郡僚小飲

繞郭雲烟一作閣烟雲匝幾重昔人曾此感懷嵩霜林

落浚山爭出野菊開時酒正濃解帶西風飄盡角倚欄
斜日照青松會須乘醉携嘉客踏雪來看群玉峯

送張生

一別相逢十七春顏顏衰髮互相詢江湖我再為遷客
道路君猶困旅人老驥骨竒心尚壯青松歲久色逾新
山城寂寞難為禮一作客濁酒無辭舉爵頻

田家

綠桑高下映平川賽罷田神笑語喧林外鳴鳩春雨歇
屋頭初日杏花繁

別除

花光濃爛柳輕明酌酒花前送我行我亦且一作林如
常日醉莫教絃管作離聲

荅謝判官獨遊幽谷見寄

聞道西亭偶獨登悵然懷我未忘情新花自向遊人笑
啼鳥猶為舊日聲因拂醉題詩句在應冷手種樹陰成
須知別後無由到莫厭頻携野客行

招許主客

欲將何物招嘉客惟有新秋一味涼更一作靜掃廣庭
寬一作開百畝少容明月放一作吐清光樓頭破鑑看
將滿甕面浮蛆撥已香仍一作更約多為詩準備共防
梅老敵難當

金鳳花

憶繞朱欄手一作喜自我綠一作紫叢高下幾番開中
庭雨過無人迹狼藉深紅點綠苔

鷺鷥

風格孤高塵外物性情閑暇水邊身盡日獨行溪淺處
青苔白石見纖鱗

野鵲

鮮々毛羽耀朝輝紅粉墻頭綠樹枝日暖風輕言語軟
應將喜報主人知

木芙蓉

種處雪消春始動開時霜落鴈初過誰栽金菊叢相近
織出新番蜀錦窠

燕者

雲際依依認舊林，斷崖荒磴路難尋。西山望見朝來雨，南澗歸時渡屢深。

詠雪

至日陽初復，豐年瑞遽臻。飄飄初來積，散漫忽無垠。萬木青煙滅，千門白晝新。往未衝更合，高下著何勻。望好登長榭，平堪支畫輪。馬寒毛縮蝟，弓勁力添鈞。客醉看成眩，兒嬌一作驕。咀且壘，虛堂明永夜，高閣照清晨。石詩翁對川原，獵騎陳凍狐，迷舊穴，飢一作饑，雀噪空。因此土偏宜稼，而予濫長人，應須待和暖，載酒共行春。

送楊先輩登第還家

解榻方欣待雋英，挂帽千里忽南征。錦衣白日還家樂。

鶴髮高堂獻壽榮，殘雪楚天寒料峭。春風淮水浪崢嶸。知君歸意先飛鳥，莫惜停舟酒屢傾。一作饒行。

初至潁州西湖一作到潁治事之明日行西湖上種

瑞蓮黃楊一作日身勸官小酌其上聊書所見寄

淮南轉運呂度支發許主客

平湖十頃碧琉璃，四面清陰乍合時。柳絮已將春去遠，海棠應恨我來遲。啼一作鳴，禽似與遊人語，明一本作如月開撐野一作小艇隨。每到最佳堪樂處，却思君共把芳卮。

三橋詩隴祐元年新作三橋而名之既而又為之

朱欄明綠水，古柳照斜陽。何處偏宜望，清連對女郎。清連閣名後一作去思堂宜和本無注字蘇本亦無

右宜遠

鳴鶴入遠樹飛蓋渡長橋水闊鷺雙起波明魚自跳

右飛蓋

輕舟轉孤嶼幽浦漾平波回看望佳處歸路遂漁歌

右望佳

荅通判呂太博

千頃芙蓉蓋水平即伯荷花四望極月揚州太守舊多

情畫盆園處花光合予嘗採蓮千朵插以畫盆園終坐

席紅袖傳來酒令行又嘗命坐客傳花人摘一葉兼盡

如飲以為酒令舞蹈落暉留醉客歌遲檀板換新聲如

今寂寞西湖上雨後無人看落英

祈雨曉過湖上

清晨驅馬思悠然渺渺平湖碧玉田曉日未昇先起霧

綠陰一本作雲初合自生烟身閑始覺時光好春去猶

餘物色妍更待四郊甘雨足相隨簫鼓樂豐年

歐陽文忠公集第十一卷